

A Fallata di Ficaghjola

Canzona ch'hè nata di notte
Cù u ventu chì sbatti e porte
Focu spentu è rotta paghjola
Gattu piattu daret'à spazzola
I zitelli cantanu à a scola
A falata di Ficaghjola.

Tabacu è chjodi a canzona
Chì canta è l'altru chì sona
Per e strade u sumere camina
È ronca tutta la matina
Bastone è manicu di piola
A falata di Ficaghjola.

Ciucciu è Carlucciu u ghjornu
Colpi di bichjeri di Patrimoniu
Muratore senza cazzola
Piscatore hà persu a ragnola
Ballate ind'è quella viola
A falata di Ficaghjola.

Grossu Minutu à Lupinu
À collu à zucca di vinu
Galli è galline ind'à sporta
Paghjelle à voce rivolta
Canta pignatta è cazzarola
A falata di Ficaghjola

In Cardu, Casevechje è Ville
Funtane ne cantanu mille
Bastia ind'i carrughji stretti
Spazza u sole nant'à i tetti
Cardellina è cinciriola
A falata di Ficaghjola
Canta cardellina è cinciriola

A falata di Ficaghjola.